



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

1. Consideratio de virtute in genere

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

7. Tandem reflexiones elicies & resolutiones necessarias, ad fructum concupitum ex istis considerationibus percipiendum accom-
modas.

Quantum ad ea, quæ de quatuor novissimis dicta sunt, adiri poterit Catechismus noster in quo abundantissimam meditationis materiam quis inveniet.

*Beati im-
maculati
in via.
tquam
si diceret,
si vis esse
beatus,
esto im-
macula-
tus. D.
Aug.*

CAPUT IIX.

*De aliis meditationum materiis
proficientium propriis.*

Diximus jam superius proficientibus ordinarie meditandum esse de virtutibus, de vita, miraculis & passione Salvatoris nostri, de sanctissimo Sacramento, de vita B. Virginis, de exemplis Sanctorum, de votis ac regulis Religionis, de sententiis sacræ Scripturæ, & aliis similibus argumentis illorum intellectui in via Dei magis magisque illuminando accommo-
dis.

I. *Consideratio de virtute in genere.*

SI quis igitur meditari voluerit de virtute in genere, considerabit

1. Illius naturam, putà quod sit sanctus qui-
dam habitus, excellens qualitas, certum orna-
mentum, perfectio & decor animæ, eos, qui
illam possederint, felices reddens, atque ad
bene operandum disponens.

2. Causas illius. Est enim excellens quæ-
dam participatio & imitatio alicujus perfectio-
nis Dei, nobilissimusq; gratiæ Spiritus sancti in
animabus nostris relictus effectus.

Causa.

1. *Exem-
plaris.*

2. *Effici-
ens.*

*Qui deficit
sibi ut
virtuti
adhereat,
amittit
quod suū
est, accipit
quod ater-
num est.*

D. Amb.

E 3

3. Pro

3. Proprietates illius & effectus, purà quod Deo nos reddat gratiores, atque, ut ipsi ad orationem præsente[mur], digniores, magisque ad vitium oppositum expugnandum expeditos, quod nostrum hic in terris adaugeat meritum, gloriamque in cœlis.

*Mens non
potest ha-
bere regnū
virtutum,
nisi excus-
serit regnū
vitiorum.*

D. Aug.

4. Finem, quem spectat, scilicet ut illius beneficio minuatur & penitus extirpetur naturalis illa repugnantia, quā abhorremus à bono; & destruantur quas experimur inclinationes in malum.

5. Posthac si quis meditari voluerit de virtute aliqua in particulari, illius poterit considerare pulchritudinem atque excellentiam ex oppositione turpitudinis ac deformitatis vitii contrarii: poterit & seipsum ad illius amorem excitare aliquo illius exemplo nobis à Christo Domino, B. Virgine, aut sancto quodam relicto.

6. Tandem postquam supra seipsum se reflexerit, videritque quantum in virtute illa siue profecerit, siue defecerit, illi studere amplius in posterum statuet, huiusque propositi sui efficaciter exequendi media sibi proponet. Exemplum subijcimus.

2. *Consideratio virtutis alicujus
in particulari.*

Mansuetudo materiam suggeret atque aliarum omnium erit exemplum. Considerabis igitur

1. Illius naturam, putà, quod sit tranquilla quædam ac pacis plena animi æqualitas, quæ nullis injuriis aut offensis turbatur. Quod sit

cor